

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA NANE

KIKAO CHA KUMI NA MBILI

12 FEBRUARI, 2025



ORODHA YA SHUGHULI ZA LEO

MKUTANO WA KUMI NA NANE

KIKAO CHA KUMI NA MBILI – TAREHE 12 FEBRUARI, 2025

I. DUA:

II. HATI ZA KUWASILISHA MEZANI:

**WAZIRI WA NCHI, OFISI YA MAKAMU WA RAIS
(MUUNGANO NA MAZINGIRA):**

Maelezo ya Waziri wa Nchi, Ofisi ya Makamu wa Rais (Muungano na Mazingira) kuhusu Muswada wa Sheria ya Marekebisho ya Sheria ya Usimamizi wa Mazingira wa Mwaka 2024 [*The Environmental Management (Amendments) Bill, 2024*].

**MWENYEKITI WA KAMATI YA KUDUMU YA
BUNGE YA MAJI NA MAZINGIRA:**

Maoni ya Kamati ya Kudumu ya Bunge ya Maji na Mazingira kuhusu Muswada wa Sheria ya Marekebisho ya Sheria ya Usimamizi wa Mazingira wa Mwaka 2024 [*The Environmental Management (Amendments) Bill, 2024*].

MWENYEKITI WA KAMATI YA KUDUMU YA BUNGE YA HESABU ZA SERIKALI (PAC):

Taarifa ya Kamati ya Kudumu ya Bunge ya Hesabu za Serikali (PAC) kuhusu Shughuli za Kamati kwa Mwaka 2024.

III. MASWALI:

OFISI YA RAIS (TAMISEMI):

196. MHESHIMIWA ALEKSIA ASIA KAMGUNA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, Serikali ina mpango gani wa kupeleka Watumishi na Vifaa Tiba katika Vituo vya Afya vya Kasanga, Kisemo na Kisaki Morogoro Vijijini.

197. MHESHIMIWA SYLVIA FRANCIS SIGULA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, lini Serikali itarejesha mikopo ya asilimia 10 iliyokuwa ikitolewa kwa Vijana, Wanawake na Watu Wenye Ulemavu.

198. MHESHIMIWA NG'WASI DAMAS KAMANI (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, upi mkakati wa kuendelea kuwezesha upatikanaji mikopo yenye riba nafuu kwa Makundi ya Vijana, Wanawake na Watu wenye Ulemavu.

199. MHESHIMIWA ENG. MWANAISHA NG'ANZI ULENGE (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, lini Serikali itasajili na kutangaza rasmi Barabara mpya ili kuongeza mtandao wa Barabara za Mkoa wa Tanga zilizo chini ya TARURA.

200. MHESHIMIWA CECIL DAVID MWAMBE (NDANDA):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, lini Serikali itaanza kujenga Madaraja ya Chikundi katika Wilaya ya Masasi.

OFISI YA MAKAMU WA RAIS (MUUNGANO NA MAZINGIRA):

201. MHESHIMIWA ANTON ALBERT MWANTONA (RUNGWE):

Atamuuliza Waziri wa Nchi, Ofisi ya Makamu wa Rais (Muungano na Mazingira):-

Je, Serikali ina mpango gani wa kuhakikisha Taasisi zinazohudumia watu wengi zinaweka mifumo ya majiko ya gesi ili kuokoa mazingira.

WIZARA YA NISHATI:

202. MHESHIMIWA GRACE VICTOR TENDEGA (VITI MAALUM):

Atamuuliza Mheshimiwa Waziri wa Nishati:-

Je, Serikali ina mkakati gani wa kuhakikisha magari ya Serikali yanakuwa na mfumo wa nishati ya gesi.

203. MHESHIMIWA KENNETH ERNEST NOLLO (BAHI):

Atamuuliza Mheshimiwa Waziri wa Nishati:-

Je, Serikali ina mpango gani kuhuisha zaidi kasi ya usambazaji wa umeme nchini.

WIZARA YA AFYA:

204. MHESHIMIWA ABDALLAH DADI CHIKOTA (NANYAMBA):

Atamuuliza Mheshimiwa Waziri wa Afya:-

Je, lini awamu ya pili ya ujenzi wa Hospitali ya Rufaa ya Kanda ya Kusini utaanza.

205. MHESHIMIWA AIDA JOSEPH KHENANI (NKASI KASKAZINI):

Atamuuliza Mheshimiwa Waziri wa Afya:-

Je, Serikali haioni haja kwa sasa kutoa huduma na dawa kwa Wagonjwa wa Kifafa.

WIZARA YA MIFUGO NA UVUVI:

206. MHESHIMIWA KILUMBE SHABANI NG'ENDA (KIGOMA MJINI):

Atamuuliza Mheshimiwa Waziri wa Mifugo na Uvuvi:-

Je, lini Wananchi wanaozunguka Ziwa Tangayika watapata elimu na nyenzo za kuanzisha ufugaji wa Samaki kwa kutumia Vizimba.

WIZARA YA KILIMO:

207. MHESHIMIWA JAFARI WAMBURA CHEGE (RORYA):

Atamuuliza Mheshimiwa Waziri wa Kilimo:-

Je, lini Serikali itahimiza kuwa na Zao la kimkakati Mkoa wa Mara.

208. MHESHIMIWA SAASHISHA ELINIKYO MAFUWE (HAI):

Atamuuliza Mheshimiwa Waziri wa Kilimo:-

Je, lini ujenzi wa *Common Use Facility* utanza kwa kuwa ilishawekwa kwenye Bajeti.

WIZARA YA FEDHA:

209. MHESHIMIWA USSI SALUM PONDEZA (CHUMBUNI):

Atamuuliza Mheshimiwa Waziri wa Fedha:-

Je, Serikali imechukua hatua gani za kuhakikisha huduma za kubadilisha fedha zinapatikana karibu na Hoteli za Kitalii Zanzibar.

WIZARA YA UCHUKUZI:

210. MHESHIMIWA STELLA IKUPA ALEX (VITI MAALUM):

Atamuuliza Mheshimiwa Waziri wa Uchukuzi:-

Je, nini mkakati wa Serikali kuhakikisha miundombinu na mazingira ya usafiri kwa Watu Wenye Ulemavu inakuwa rafiki katika Treni ya SGR.

WIZARA YA VIWANDA NA BIASHARA:

211. MHESHIMIWA SELEMANI JUMANNE ZEDI (BUKENE):

Atamuuliza Mheshimiwa Waziri wa Viwanda na Biashara:-

Je, kuna mpango gani wa kutoa Mafunzo ya Utaalam, Mitaji, kuwaunganisha na Masoko Wajasiriamali wanaongeza thamani ya mazao.

212. MHESHIMIWA JANETH ELIAS MAHAWANGA (VITI MAALUM):

Atamuuliza Mheshimiwa Waziri wa Viwanda na Biashara:-

Je, lini TBS itaweka utaratibu wa kutoa elimu kwa Wajasiriamali Wadogo wanaojihusisha na biashara ya kusindika vyakula.

WIZARA YA UJENZI:

213. MHESHIMIWA CONSTANTINE JOHN KANYASU (GEITA MJINI):

Atamuuliza Mheshimiwa Waziri wa Ujenzi:-

Je, lini Wananchi wa Kata za Kasamwa na Nyamkumbu - Geita Mjini watalipwa fidia kutokana na Alama za Barabara kuwekwa katika maeneo yao.

WIZARA YA ELIMU, SAYANSI NA TEKNOLOJIA:

214. MHESHIMIWA SHALLY JOSEPHA RAYMOND (VITI MAALUM):

Atamuuliza Mheshimiwa Waziri wa Elimu, Sayansi na Teknolojia:-

Je, Vituo vingapi vya Umahiri vya Sayansi na Teknolojia na Akili Mnemba katika Taasisi za Elimu ya Juu vimeanzishwa.

IV. MISWADA YA SHERIA YA SERIKALI:

***(Kusomwa Mara ya Pili, Kamati ya Bunge Zima
na Kusomwa Mara ya Tatu)***

Muswada wa Sheria ya Marekebisho ya Sheria ya Usimamizi wa Mazingira wa Mwaka 2024 [The Environmental Management (Amendments) Bill, 2024].

V. HOJA ZA KAMATI:

MWENYEKITI WA KAMATI YA KUDUMU YA BUNGE YA HESABU ZA SERIKALI (PAC):

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Hesabu za Serikali (PAC) kuhusu Shughuli za Kamati kwa Mwaka 2024.

**DODOMA
12 FEBRUARI, 2025**

**BARAKA I. LEONARD
KATIBU WA BUNGE**

